



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1230. Usque Ad Annum 1248

Fleury, Claude

August. Vind. [u.a.], 1764

VD18 90118049

§. 33. Sacri milites in Francia.

[urn:nbn:de:hbz:466:1-66268](https://nbn-resolving.org/urn:nbn:de:hbz:466:1-66268)

cum, antea Imperatorem, materiam adhibeamus gladium, sed spirituali solum utemur. Non vos tangant sermones ob ignorantiam veritatis perhibentium, nos contra hunc Ecclesie inimicum ex preematura festinatione tulisse sententiam. Nec enim meminimus, ullam aliquando causam tam sedulo examinatam, & a viris tam doctis probisque expensam esse, usque adeo, ut secretis in consultationibus aliquot Cardinales personam advocati, quidam pro eo, alii contra illum gererent, quo penitus veritas sicut in disputationibus scholasticis indagaretur: & nos nullum invenimus medium sine offensa Dei, damno Ecclesie, ac conscientie laesione agendi aliter, quam fecimus cum dolore ac commiseratione Principis. Hoc proin iudicium insuperabili constantia tuebimur, atque si nobis & fratribus nostris id opus erit, vitam dabimus pro causa Dei ac Ecclesie. Monachi Cistercienses acceptis his litteris detestabantur Friderici partes, ac Summo Pontifici se arte conjungebant, orantes Deum, ut suam conservaret Ecclesiam. Eorum vero authoritas adhuc magna in orbe erat.

§. XXXIII.

Sacri milites in Francia.

Mense Augusto 1245. Papa ob preces S. Ludovici Parisios ut Legatum

Duchesne to. 5. p. 344. Matth. Par. p. 600.

I i 5

mise-

Sæcul. XIII.
A.C. 1245.

miserat Odonem Castro-Radulphianum Cardinalem Episcopum Tusculanum, & Jacobi Vitriacensis successorem. Odo Castri Radulphii in Gallica Biturigum provincia natus, Ecclesiæ Parisiensis Canonicus fuerat & Cancellarius. Causa legationis erat Gallorum Nobilium exhortatio ad sacram militiam, ut Hierosolyma Corefmanis eriperetur. Postquam advenerat, Rex octavo a festo S. Dionysii die scilicet sub medium Octobrem Parisiis magnum habuit Senatum, in quo plurimi Præfules Proceresque Franciæ comparebant. Ibi Legato ac Rege authoribus tesserariam crucem induerunt Juhel Archiepiscopus Turonensis, Philippus Archiepiscopus Bituricensis, Robertus Episcopus Bellovacensis, Garnerius Laudunensis, Guilielmus Aurelianensis, Robertus Artesiæ Comes, Regis frater, Hugo Castellionius Politiensis ac Blesensis Comes, Gaucherius ejus nepos, Joannes Comes Barenfis, Petrus Britannæ Comes, Joannes ejus filius, Hugo Marchiæ Comes, Joannes Montefortius, Radulphus Coccius, ac per multi alii tam Clerici quam laici, qui diversis diebus symbolicæ crucis militiam iniere.